

石

蘭

詩

鈔


LANGUAGE LIBRARY

0  
895.107

冊

8469

關



石  
蘭  
詩  
集

NORTH CHINA UNION LANGUAGE  
SCHOOL LIBRARY

MG  
I226.7

3



賦得帶葉梨花獨送春

惆悵雕欄遍綠陰  
一株殘蕊獨宜人  
含烟影動猶迷  
蝶帶月魂消却戀春  
冷艷不教桃共色  
淡粧應與雪  
為鄰明朝只恐東風妒  
玉墮香飛認未真

梳粧閣懷古二首

承詔西征去風塵  
嘆白頭山餘眉翠色  
江帶眼波秋  
曉月窺粧鏡  
春陰冷畫樓  
倚欄頻遣興  
不盡古今愁  
漢苑三千侶  
仙姿壓衆芳  
裁成新樣曲  
爭笑荔枝香



翠黛欺宮柳，  
緋桃妒曉粧。  
至今嗚咽水，  
猶似喚三郎。

雲妹寄梅走筆和韻

玉人贈我一枝香，  
淚盡紅綃減盡粧。  
身似殘堤秋後柳，  
幾經風雨幾經霜。

蒼梧道中

異鄉暫別不須傷，  
吟得新詩滿錦囊。  
溪鳥狎人時遠近，  
岸雲穿樹半青黃。  
紅顏不惜征塵老，  
壯志休悲道路長。  
薄暮片帆風送滿，  
亂峯影裏隱斜陽。

舟中

六年三度赴蒼梧景物依稀尚似初  
靜坐篷窗無別事捲簾山色下簾書

秋江夜泊

秋江今暫泊暮景滿楓林  
風度誰家笛月明何處砧  
天高鴻影淡水渺客思深  
領畧山川意淒然獨夜吟

弔綠珠渡

渡頭芳草翠連雲有客關情弔此君  
隔浦寒蘆棲雁

影遠山飛鳥掠斜曛空貽千載標彤管無復當年賜  
舞裙最羨樓前輕死後一身冰潔迥凡羣

松

古榦虬龍挺秀姿不同桃李鬪春時雖經冰雪心猶  
勁縱老風霜色未移密密蒼烟籠翠蓋亭亭孤鶴隱  
危枝干霄自是非凡品肯向秦封托故知

憶弟

別久心常念思多夢反稀愁聽梁上燕也解訴分離



懷素心妹

新愁無限上眉彎  
獨對孤燈淚自潛  
驛路垂楊應識我  
離魂夜夜到三山

秋月

盈盈秋月  
窗外漾微光  
夢裏人初醒  
猶疑一院霜

秋夜雨聲

商聲新起倍無聊  
一盞昏燈懶去挑  
更有悲秋千點淚  
夜深和雨滴芭蕉

嶺南道中

五觀十三人艱危仗此身  
經年淚洗面百感痛傷神  
塞北無茅屋燕南有老親  
如何千樹雪不是昔時春

羊城感懷

飄零異地泣窮途  
夢裏猶憐旅櫬孤  
我有三棺歸未得  
誰人肯作范堯夫

南雄旅舍題壁

隨親遠仕赴潮州  
二十餘年嶺外遊  
瘴海浮沉虛景

物蠻山風土老春秋室家分散情偏苦生死相關淚  
自流惟有梅花知此恨漫天晴雪綴枝頭

春日寄懷素心妹

幽蘭初放滿庭香春雨連朝動晚涼憶得素心青玉  
案揮毫立就十三行

海棠掩映露紅霞小圃春光處處佳憶得素心初睡  
起湘簾不捲避楊花

乍晴還雨聽曉鶯幾度踟躕倚畫屏憶得素心閒畫

永小樓扶病寫丹青

年來筆墨竟荒疎  
粵海羈留數載居  
憶得素心風韻好  
一窻明月半床書

歲暮

歲暮催寒景  
淒然自掩扉  
眼花看字小  
身瘦覺衣肥  
異地人情薄  
家鄉魚雁稀  
一心無著處  
空復憶庭幃

自題石蘭書屋

石蘭書室自慵踈  
開遍繁花草不除  
日上小窻猶未

起擁衾朗讀古人書

石蘭書室迥無塵  
明月清風藉草茵  
傲骨恰憐清似  
水菊花初放伴詩人

秋風懷感

意外秋風浙瀝聲  
荒齋默坐旅魂驚  
由來曠達英雄  
志到底終懷免女情  
天既有心憐薄命  
人何無藥鑄長生  
因因果果難憑信  
異路幽明隔萬程

秋感

四壁蕭蕭夜雨聲  
案頭燈影半昏明  
一枝禿管堪終老  
數本殘詩伴此生  
天地有心應識我  
山川無路可容卿  
幾回歌枕魂難定  
滿耳淒清夢未成

殘梅

碎玉零香自可哀  
幸留清影獨徘徊  
林逋處士今何在  
空引冰魂入夢來

飄香墮粉點蒼苔  
一種幽芳冷到灰  
本是蓬萊天上種  
漫隨桃李隊中開

萍

水泛池塘綠罽成  
臨流點點貼波清  
無根飄泊雖然  
慣有托隨緣也  
自平幾次浮沉  
因雨過一番離合  
為風驚何當另立楊花傳休共騷人怨落英

冬日漫成

人事都消盡  
詩書足古歡  
竹風吹更冷  
梅月景偏寒  
富貴心常淡  
貧窮意獨寬  
放情吟好句  
一任月將闌

月

清風隨皓月雲斂碧天明不知今夜裏可有幾人評

遊仙詞

真妃邀我看瓊花珠絡金纓阿母車偏是雙成愛顏色玉冠爭挿幾枝斜

碧桃銀杏壓枝芳流水梅花滿澗香若是上元能領畧塵凡何必覓封郎

仙女瑤池去住忙飛瓊私語段安香為言王母真癡意留得蟠桃進漢王



玉冠珠履樂閒遊  
仙子從來不解愁  
見說雲英新得  
配芳心也識感春秋

珊瑚為柱玉為坪  
翠柳夭桃映水清  
吹罷鳳簫餘韻  
在隔簾人學董雙成

劉阮無情去不來  
空餘春色映蒼苔  
天台依舊當年  
景縱對桃花思也灰

懷素心妹

秋風何太急  
吹散雁離羣  
夢憶三山月  
愁窺五嶺雲

人遐心尚邇情密地難分零落黃花後相思獨有君

漫興

香奩何事恨匆匆萬物浮沉似夢中雖有秦娃簫引  
鳳難逢子建賦驚鴻三春柳色初經雨二月桃花却  
畏風偏是兒童不解識枉將薄命怨天公

上清事事有分明偏是才華易惹情吳苑烟凝憐怨  
女藍橋水漲嘆愚生富家廢鐵猶為惜貧士黃金反  
看輕最是武陵仙路杳教人惆悵恨難平

千金難覓莫愁堂  
過後風流事可傷  
怨寫烏絲裝璜  
瑁戲拈紅豆打鴛鴦  
舊思芳草連天碧  
新恨梨花一院香  
縱有銷魂詩夢遠  
玉京何處寄仙郎

愁將筆墨寫瑤章  
燈下無心繡錦囊  
月上彩雲空有夢  
天邊燕子自成行  
閒情已付秋楊柳  
瘦念誰憐春海棠  
此意東風渾不解  
人間孤負杜蘭香

惜春

和逵次壁間女子

春光九十已無多  
紫陌紅塵莫浪過  
只恐五更風雨

妒沿隄人唱落花歌

濃春辜負賞芳晨滿院名花鋪繡茵鶯燕自來還自  
去空留多少斷腸人

海棠庭院露華凝春夢分明不欲醒門外東風妒顏  
色可憐紅紫易飄零

畫簾深放夜無聊空把芳心夢裏饒為爾憐春春已  
曠落紅成陣雨瀟瀟

春事闌珊意自迷綠揚影裏聽鶯啼桃花無主隨風

雨一片紅雲映翠堤  
為愛花香覺月遲黃鶯飛上綠楊枝春光宜是幽人  
賞不是幽人便不宜

棄蘭

花裏幽香屬茂蘭歲寒無那被摧殘清芬秀質歸何  
處竟作尋常蔓草看

過春帆書屋

瀟洒書齋事事妍珊瑚架筆水晶盤踞蹊白鶴花間

舞鬱勃青松月下看一曲流觴繞畫閣數株梅蕊映  
朱欄三年幸遇賢師友愛爾文成秀可餐

秋日感懷

雲薄風高秋氣深黃花籬伴點層金銷魂獨鴈天邊  
度破夢寒螢草際鳴細數光陰悲悄悄暗驚人事去  
駸駸憤將物理閒追憶今古難平一片心

寄許素心妹十絕

曾記羊城送爾行海珠石畔晚潮生越王臺上千株

柳不為歸舟挽去旌

知己天涯廿載分每繙吟稿淚沾襟閨中縱有斯文  
友怎及三山許素心

淑德幽閑命可哀天公何事不憐才世間多少癡呆  
女偏老榮華錦繡堆

花晨月夕同君賞洒落情懷爾盡知今日寂寥誰是  
伴曉風殘月獨相思

湘簾樓閣暗承塵踈影凝香伴病身料得吟情還似

舊定應減退玉精神

為因義重結金蘭彼此忘形露胆肝  
數十餘年君不見相逢都向夢中看

昔寓羊城花繞欄追思好景易摧殘  
幽蘭今已成荒草輸與寒梅歲歲看

榮華富貴等浮埃總有黃金難買才  
寄與多情女博士逢花遇月且徘徊

聲價文章同一脉前賢都解惜  
星星人生有別才難



得良友無多眼倍青

滿腔心事與誰論一字吟成一淚痕萬里分襟廿載  
別不銷魂處也銷魂

初冬夜坐

小齋默坐自魂銷心事頻思湧若潮四壁有虫聲即  
即燈前無伴影蕭蕭霜凝露重飄紅葉月暗天昏冷  
翠條獨放畫簾誰共語不知何苦到今朝

舟行遇暴風雨

逆水行舟嫌道遠旅人悶坐難消遣倏忽之間風暴  
來遙望高山黑雲捲一霎船顛如簸揚舟子篙亂如  
飛蝗不知何處堪停泊雲氣嵐光兩渺茫東西南北  
都不辨空中但聽走雷電聒耳波濤夾雨聲杳冥變  
幻如流霰此時客懷心胆寒新愁往事集眉端少年  
不識離鄉苦老大方知行路難追思昔日深閨內玉  
肌綽約飄香珮小鬟扶我傍花陰弓羅怕溜苔痕翠  
寧知中歲苦奔波烈日狂飈任折磨自憐憔悴風塵

裏誰唱紅顏無渡河坐久雲收風雨了餘霞遠帶尖  
峯小低徊鷗鷺泛清流忘機只有無情鳥

僑居西江東蒼崖謝文

遠行人倦天涯路江北江南何處去苦海無邊登岸  
難誰人肯駕慈航渡憶昔連葦踰嶺南梅花馥馥柳  
蓂蓂侍免後從追前尊領畧春光意興甜寧知世路  
多崎嶇滄海桑田朝暮殊至親只有嬌兒女辛苦零  
丁返故居朔風夾雪清流霰颼颼亂刮行人面五喪

遠奉筋力疲不知何處安身便西堂豪士天下竒慕  
名素未識英姿為憐發穉多勞頽特啓園林借一枝  
初投不惜開家宴哀矜義重如姻眷積善應知流慶  
長哲人自荷皇天鑒盤根錯節豈由人我與梅花共  
一身春陽蘇醒孤寒質雨露從滋潤澤均息肩圖宦  
窳老成為我謀往者長已矣來者吾勿憂風波脫却  
孤鴻杳素車白馬天雄道褰帷笑指太行巔五雲深  
處松杉小

望夫石 在羚羊峽中癸未舟次作

世間萬物惟情異山石化形似人戾雲鬢高梳了髻  
盤星眸猶是望夫婿終日凝望不見歸妾意何濃君  
意違乘槎未必天河去烟雨因何冷翠微掩袖至今  
尚流涕不知經歷幾千歲爾留山上永悲淒我過山  
下情相契曾記當初拆鳳凰至今形影各參商望夫  
悒鬱心如石爾不關情我自傷人言造化生靈迹結  
就精華告過客他年飛上碧山巔相逢同化烟霞癖

雜感

簾前紫燕兩相呼飛過南軒笑我孤反悔當年湘水  
漱至今空自哭蒼梧  
病中詩思覺糝糊欲寫離情一字無彩筆鸞箋今已  
棄寒窓只有藥當爐

過卧雲妹舊居有感

飄紅墮粉草萋萋誰向花間再品題一院清風人不  
見半窓明月夜烏啼

谷口峽遇暴風雨

幽谷深林雲氣起漫天雨意連江水倉卒風波舟子  
忙旅人兀坐蓬窓底

春日偶成

融融春色發新芽綠滿窓前映碧紗景物撩人心緒  
懶春風適意旅懷奢解愁不用醪釀酒消渴惟烹雀  
舌茶多少名花隨日放夜來香夢繞天涯  
休將往事細評論人事全更景尚存烟鎖綠濃楊柳

線霞蒸紅艷海棠魂一腔清興誰為語教本殘詩獨自  
溫幾度春來閒眺望依稀身到莫愁村

秋夜聞鄰婦哭聲有賦

柴扉深鎖滋苔露月照花階愁獨駐秋聲颯颯入羅  
幃寒氣侵人眠不住挑燈起作感秋詩忽聽鄰家哭  
逾時其聲嗚咽堪傷感切切悲悲萬淚垂停毫試問  
誰哀感小鬟道是丁家屋妙年新寡守蓬門並無男  
女兼伯叔我身本是斷腸人一聞此語魂銷速為憐



同病守堅貞一任霜風搖翠竹

秋日侍蔣太夫人滕王閣小宴

章城何幸遇仙儔會向江樓紀勝遊  
一片夕陽紅蓼岸數聲漁笛白蘋秋  
西山雨過烟光碧南浦風翻雪浪浮  
自愧暫倚喬蔭下敢同蘭桂占名流

瓊筵遙對翠岑開環珮聲飄逐隊來  
潭影秋雲飛畫閣山光野色浸霞杯  
移將萍梗浮沉跡列向萱庭次第栽  
應惜江遊無好咏秋風空遣謫仙才

新柳

金縷毵毵舞態新  
額黃初試正宜人  
參差灞岸含朝露  
掩映章臺報早春  
青眼慵舒神易夢  
脩眉未展畫難真  
風流綽約誰能似  
張緒當年最得神

四季贈人閨情

殘紅片片委青蕪  
春至蘭閨事事娛  
粧罷倚欄閒悵望  
玉釵斜襯碧珊瑚  
碧筒翠蓋晚涼天  
小立迴廊曲檻邊  
覓取鳳仙花數

朶指尖初染血新鮮

薄羅衫子晚風寒  
玩月看花自倚欄  
良夜深沉人不寐  
玉肌輕減帶圍寬

窓下梅花瘦影長  
隔簾斜掠美人粧  
冷風寒雪情無那  
閒撥金猊一片香

題松溪弟小照

陶情幽谷學忘機  
檢點形骸隱翠微  
千尺蒼松饒野韻  
一泓秋水漾苔磯  
卷舒惟有閒雲宿  
去住常教野

鶴飛世事紛紜空復爾  
羨君瀟洒對清暉

春日獨坐紅白桃李共貯一瓶口占二絕

名屬春園第一嬌  
輕盈麗質映紅綃  
天台不待劉郎問  
却向深閨伴寂寥

上苑瓊葩玉結毬  
一枝斜插胆瓶幽  
惜花心恐驚蜂蝶  
低放珠簾不掛鉤

春日偶成

為惜韶華減玉肌  
畫簾深放影支離  
花迎庭院東風

嫉柳鎖寒窓夜月知有恨  
流鶯聲半澀無聊紫燕社  
來遲闌杆十二愁凭倚  
贏得幽思聚翠眉

茅亭

翠微深處淨無塵  
小結茅亭養性真  
風過蒼松琴韻  
冷雨餘遠岫畫圖  
新竹窻明朗嵐光  
滿野徑幽深鳥  
語頻免得簾華牽  
絆住安居聊可稱  
閒身

故居

樓閣參差綠樹陰  
而今無路再追尋  
遙思窓下梅開

日誰伴香魂坐月吟

新燕

紫燕新來畫檻東  
雙飛翠羽傍簾櫳  
於今誰是姚家女  
肯把新絲換舊紅

賦得惜花春起早

一番花信五更風  
那管春宵夢未終  
起傍芳叢頻檢點  
夜來曾否損深紅

賦得愛月夜眠遲

銀蟾朗徹有餘光  
靜坐庭軒寄興長  
地僻不知更漏  
永警驚花影過東墻

賦得掬水月在手

長空皎皎夜光寒  
倒浸清波影未殘  
偶就金盆濯素  
手嫦娥驚向掌中看

賦得弄花香滿衣

小院深紅綠未肥  
偶攀嬌蕊弄芳菲  
怪他深院穿花  
蝶何處隨人上下飛

春桂開

二月春寒花信遲  
庭前喜見桂盈枝  
天香不逐秋風落  
却襯嫣紅鬪艷姿

春桂落

紫陌青郊燕已來  
秋英何事占春開  
無端一夜東風惡  
碎剪黃金點綠苔

明月照幽蘭

萬里長空金鏡圓  
清輝散影對幽蘭  
冰心常恐風姨



妬玉貌猶憐月姊看綠葉飛霜映燭暗紫莖鋪練照  
燈殘愁人遇此魂先斷獨立花前病體寒

題天香集

天香集者故女郎劉碧環乂筆山陰宋君西  
椒編輯也乾隆丁卯年西椒僑寓平江來鶴  
樓夜夢一女子縞衣淡粧掩面而泣曰妾乃  
劉碧環也幼時隨父從軍鴨綠喜筆墨善音  
律年甫十五入侍侯門為獅吼凌虐悒鬱溢

逝埋骨於此樓之東牆下蔓草污泥行將汨  
沒君能為我改葬死且不朽隨吟一絕而去  
次日西椒於牆畔挖土尺餘果得骷骸一甕  
甕外字跡模糊惟劉碧環三字依稀可識因  
與同人捐金遷葬於姑蘇之虎邱山嗣後西  
椒扶乩而碧環適降書云向有瘦蘭集簷鉄  
詞不知遺落何所宋問是姓劉否答云阮郎  
携我入天台又問沒於何代答云琴亡不必

記春秋且書數十首詩詞留謝而去西椒為  
之編輯號曰天香集

幽處理香恨轉深芳靈自是覓知音玉樓空結千秋  
志金谷長懸萬古心水珮風裳悲舊賦雲階月地動  
新吟紅顏易損皆同命憑弔西風淚滿襟

前題

白骨荒邱不記春芳魂夢裏訴詩人瘦蘭簷缺無尋  
處瓦甕猶存姓字真

梨影拖肩笑語溫輕盈十五入侯門而今春色餘多  
少留得梅花一夜魂

眉黛青顰鬢似雲纖腰如柳不勝裙芳魂已化巫山  
夢月落花殘為弔君

尤人自古命尤艱玉碎香消太等閒今日紅顏歸有  
着貞娘常伴在名山

贈金母沈孺人

吾越山陰人少寡聰明有才苦  
守一子成名

參天秀色獨標奇勁節稜稜清蔭垂歷盡歲寒名更

重靈根長發萬年枝

松

化龍呼鳳本仙胎洗淨塵囂世上裁只有貞心昭白

日更無直節沒黃埃

竹

餐風飲露號金英一點冰心似水清烈日嚴霜全不

顧秋林蕭瑟著芳名

菊

瑤臺銀闕降仙娥世外何曾戀綺羅守護青青調鼎

萬史官直筆永難磨

梅

秋夜雜吟

三尺烏絲髮已蒼  
倏驚華髮逐流光  
良宵不記愁多少  
每到秋來更斷腸

谷裏深岩藏玉姿  
無端移植在塔墀  
摧殘總為西風妒  
零落幽香第一枝

冷落荒齋風景清  
無聊默坐聽殘更  
世間多少難平事  
人自傷心月自明

紗窓風送桂花香  
落葉蕭蕭秋正涼  
夢裏不知途路遠  
白雲深處是吾鄉

海棠軒外落花輕雲歛烟霏夜氣清蕭瑟秋風眠不  
得一簾殘月透微明

題南安旅舍壁

余兩遊庾嶺四陟崔巍茲奉喪北上歸謀窳  
窳回首三十年嶺表故舊興廢消長不一感  
世事之滄桑歎人生之夢幻一泓秋水萬縷  
愁思所不忍忘情者惟此冰肌玉骨耳書此  
以別想花神有知當為色然也

紛紛碎玉暗飄香  
四度梅闌意更傷  
古壑喬松消俗慮  
深林山鳥笑人忙  
紅顏昔日來南國  
華髮今朝返故鄉  
三十餘年成一夢  
最關情處是孤芳

題一片石傳奇

杜宇聲聲泣斷魂  
可憐荒塚遍苔痕  
一堆白骨千秋恨  
風雨瀟瀟鎖墓門

無顏再到受降城  
大義分明死便輕  
留得芳徽傳萬古  
西江草木盡知名



清才妙筆譜烏絲  
寫出離宮舊怨詞  
禾黍荒涼春色老  
更無人惜海棠枝

新秋雜感

綠窓寂寞夜沉沉  
身似孤鴻失侶羣  
塞北有家歸未得  
傷心日對嶺南雲

乍起秋聲枕簟涼  
蕭條四壁更心傷  
庭前陣陣微風雨  
不是愁人也斷腸

忽聞鴻雁過南樓  
盡角聲中起百憂  
涼雨滿天人臥

病一分秋色一分愁  
唧唧蟲聲四壁空  
蕭然獨對一燈紅  
可憐多少傷心意  
盡付秋宵細雨中

贈羅節婦四首

空自怜君命不辰  
難將消息問蒼旻  
何堪檢點香奩具  
一縷紅綃色尚新  
縞袂青裙粧雅淡  
春花秋月任消沉  
堂前不敢輕垂淚  
只恐頻傷二老心

彩鸞分後鏡模糊辛苦依巢護乳雛回首楚江江上  
月照人愁滿洞庭湖  
幾從石上訂三生一載消除夢幻情便欲因君求指  
點尋思我亦不分明

己亥西行口占

一肩行李半書囊作計依人走大荒誰道英雄巾幗  
少獨憐免女最情長

想後思前欲斷魂貧來托足寄朱門無端又墮窮途

淚洒向征衣變血痕

西梁河曲路漫漫萬種離情欲話難一語囑免須記  
取佳音早寄報平安

庚子仲春洛陽道上憶西秦官署

紛紛土雨點征衣  
免女關情興致違  
那似官衙好風景  
倚欄閒看落花飛

高詎如雲數十年  
暫成小別已淒然  
不辭客路秦關遠  
歸夢頻驚菊綻前

三九見落梅

三九梅花爛熳開  
冰姿偏任逐風催  
陽和未至春先  
透碎玉飄香委砌苔

倩女吟

并引

潞河有某姓者生二女長曰蘭次曰桂皆美  
姿容善絃管蘭年十九歸某家三載伉儷情  
篤會蘭以抱危疴某幾欲偕死蘭曰苟不測  
將吾妹續君子未幾病愈遂有為桂別議婚

者桂欲祝髮為尼父母訊得其故父怒蘭跪  
求始允其請蘭以所有奩具盡付桂花燭之  
夕猶躬為拂拭枕篔無何桂視蘭如仇某亦  
目蘭如陌路少不合輒鞭撻之蘭雖以前事  
失當然終秘不告人飲泣而已後某以銓選  
得官蘭誓不偕往逼乃勉強行距中途抑鬱  
不得其死嗟乎余雖未與蘭識面乃得自傳  
聞竊為其舊其新恐尚未至薄倖如此感而

成詩亦借以招倩女之魂云爾

弱質盈盈不勝衣粧臺畫掩篆烟微情如柳線條條  
結魂似梨花片片飛幽夢不堪依錦帳芳心久已黯  
羅幃可憐滿眼淒惶淚羞向人前說是非

寒閨終日歎無聊命薄真成一葉飄綠綺空調舊時  
恨紅粧惟戀眼前嬌情深似海心難昧義重如山骨  
已消自怨自傷翻自悔不知何苦到今朝  
伉儷情深成永別一腔憂怨集踈胸繡簾有恨偎金

鎖明鏡無光任土封驛遠魂銷南北路山高夢斷雨  
雲峯仙姪莫憶人間事咫尺劉郎隔萬重

蕭蕭顧影覺形單萬種傷情欲話難寶髻慵梳花勝  
冷玉釵全卸粉姿寒空餘舊恨書殘葉無奈新愁上  
筆端從此拋離人世去任他長夜自漫漫

蚤梅感興二首

故鄉梅萼繞樓臺驛使憑誰往却回踈影自隨明月  
轉暗香偏逐好風來瓊葩欲放猶難放玉蕊將開尚



未開幾次尋花清興懶白頭終日苦相催  
春信傳來上筆端烟巒村郭儘宜看孤標獨秀偏迎  
暖嫩葢生香不畏寒幾訝名花半零落最驚好夢易  
摧殘從今怕憶消魂地天際雲深路渺漫

詠海山閣桂花二絕

繡簾不捲避秋風銀燭高烧映畫籠金粟花開香滿  
閣却疑人在廣寒宮

凝碧枝頭逗嫩黃秋英先占廣寒香名花猶恐西風

妒加意栽培繡閣藏

思歸偶感

只求歸去老藤蘿十分歡腸九分過半世艱難得意  
少一生辛苦賺愁多人情冷暖常經慣世態炎涼可  
奈何自信此心平若水不曾吹縵夕陽波

白梅二絕

玉蕊瓊枝報早春冰姿綽約絕纖塵幽香獨省誰相  
似只有梨花解效顰

照水橫窓影半斜  
疎枝開落任春華  
雖然不借芬芳  
色却是江南第一花

白丁香

碎玉含烟映月光  
春隨桃李鬪芬芳  
雖然不比梅花  
潔雅淡風情別有香

見菊感懷

愁病年來景物移  
東籬又見傲霜枝  
可憐時事皆更  
變惟有清香似舊時

贈孟莊陳太夫人

結伴偏宜菊，知心合是梅。  
自來能絕俗，無處着纖埃。  
寧耐霜風冷，誰憐冰雪摧。  
多情惟皓月，夜夜去還來。  
不意經人海，相逢老女宗。  
百年成小劫，一笑識仙踪。  
事往渾疑夢，談來各動容。  
願隨採芝去，長嘯白雲峰。

贈佩芳徐夫人

久仰芳儀未識荆，驅車奉謁慰平生。  
幽閒態度襟期淡，儒雅篇章詩思清。  
宿學淵源邁俗一家詞翰向

知名賢媛兄妹人稱羨羨譽相傳素有聲

見紅梅口占二絕

絳衣仙子下瑤臺  
疎影凝香映月開  
漫擬素容長雅

淡春風奪取艷紅來

朱色瓊枝迥不羣  
玉顏添暈酒初薰  
高標懶與羣芳並  
態比羣芳艷十分

秋海棠

零落羣芳尚未殘  
嬌紅開徧映朱欄  
柔枝對月常含

露艷色臨風不畏寒  
照水妖嬈情詎足  
籠烟窈窕影猶單  
遙思昔日銷魂處  
無限幽懷欲話難

題譚少君梅月圖

一幅生綃為寫神  
遠山斜月白於銀  
影扶脩竹娟娟靜  
香沁林梅淡淡春  
高士添毫圖有韻  
詩人下筆意難陳  
依稀記得曾遊處  
擬認羅浮夢未真

乙巳寄許素心妹八絕

愁寫紅箋報苦情  
天涯悲喜幾回生  
知君頻道炊烟

冷使我傷心淚暗傾

湫湫孤鴻獨向南  
近來塵鬢白  
珍珍生前多少牽腸  
事力不從心老不堪

昔寓羊城花繞欄  
追思好景易摧殘  
幽蘭今已成荒  
草輪與寒梅歲歲看

花晨月夕同君賞  
灑落情懷爾盡知  
今日寂寥誰是  
伴曉風殘月獨相思

二月羊城花似堆  
吟詩作賦笑顏開  
風流雲散歸何

處一寸愁腸一寸灰

滇南音信渺天涯萬種傷情獨自嗟  
幾次欲歸歸未得總然歸去已無家

休言昔是與今非不為年殘壯志違  
悲我此身無住著尋思惟有佛飯依

滇南撫署惠風堂茶花

初春佳景暖融融鶴頂丹砂在望中  
幾樹輕陰纔染碧數枝絳色已翻紅  
芳姿詎比凡花艷勁植難教衆



舟同着意畫堂張錦幔為留讌賞醉東風

七夕

七夕欣看雲似羅小詞閑賦憶秦娥人間士女爭織  
巧天上仙姬淚幾多桂樹濃陰探月窟銀河弱水沮  
清波幸承烏鵲填橋架凝望牛郎到此過

送春帆甥孫赴試

莫道長途學業荒父箴師訓最為良青雲直上攀丹  
桂金榜名題姓字香

山長水遠路漫漫性要和平恩要寬天下人心同一  
理自然勤力不偷安

柳暗花明送爾行鵬飛萬里錦前程鳳凰本是天池  
客莫學依依免女情

學字攻書須認真文章入妙信如神英才莫負凌雲  
志努力功名人上人

年來景况總心知仰賴尊人爾許時莫謂囊空無長  
物送行惟有吉祥詩

行程却喜艷陽天花正芳菲柳正妍從此文章添彩  
色輕裘駿馬即加鞭

八首新詩一日成臚傳期爾占頭名捷音飛報雲南  
省歡樂全家喜氣盈

臨行且莫意遲遲閣下絲綸正在茲秋月春花雙及  
第奪標方顯是男兒

余六十七初度之辰承主人之情列排華筵綵  
裳作樂惠我多珍又以佳篇相贈愧而有感因

成二章非敢言詩聊申謝意

繡衣隻舉奉霞觴自愧無顏何可當  
惟祝上天垂默祐齊眉福祿永綿長

曾領華筵已不該又承佳句送將來  
可慚不是名閨秀有負詩翁八斗才

初度口占

榴花初放度生辰無力排筵謝衆賓  
兩鬢浩然仍故我算來事事不如人

深秋言懷

颯颯涼風九月天  
袷衣仍試未裝綿  
怪來冷艷侵入  
袂  
剝有愁吟坐客羶  
當日揮金常自許  
今朝開口若  
為憐年來更有縈  
心事弱媳維孫遠  
掛牽

丹桂飄香

限韻

秋來草木漸蕭蕭  
丹桂深叢發嫩條  
細剪黃金香馥  
馥  
輕鋪碧玉影搖搖  
清芬不共籬邊植  
翠葉還從雲  
外飄  
多少詩人吟好句  
效顰且莫笑今朝

寄懷巨川大弟

吾家原是舊書香  
後輩無端學業荒  
爾承先登甲第  
門庭重整又輝光

同堂兄弟人無數  
惟有君行愜我心  
仗義輕財真傑士  
家貧每不吝分金

惆悵離踪十載餘  
去春方接爾來書  
題封或恐沉魚雁  
不是無情答問踈

每憶京華心暗酸  
去留輾轉使人難  
荒陞南北憑誰

管弱媳雖孫夢裡看

感懷

兩鬢如霜七十秋，幾多辛苦為淹留。  
總有愁腸惟自解，難將心事向人投。  
萬里搬家天際雁，一身飄泊水中鷗。  
長安親友如相問，衣食無虧仗倚劉。

春詞感懷

月姊風姨何處着，峭寒猶覺羅衣薄。  
離緒縈懷自黯然，冰心愁對梅花落。

枝上鶯啼春信早等閒底事催人老春去春來總是  
悲天涯何處無芳草

麗景融和春又轉嬌紅嫩紫香塵軟惜春欲作踏青  
歌拈毫自覺靈思淺

窓前陣陣催花雨荒齋終日愁如許絳桃吐艷漸芳  
菲柳條半染黃金縷

良晨兀坐聲悄悄詩情却被頌情攪一場春夢總無  
憑回頭已認天將曉



離滇南口占

自到滇南似閉扉交情絕  
少事相違傍人盡道鄉中  
好我為空囊懶去歸  
久別京華故舊跡相逢未識意何如  
人情冷暖皆同  
鑿落橐行囊只有書

洞庭湖口占

湖水渺無際四野接天冥  
篷底無聊坐嚴寒過洞庭

其二

路近京華春轉寒  
敝裘舟次泣衣單  
少時但覺人情易  
老大方知勢態難  
北望燕山雲疊疊  
南浮湘水路漫漫  
客懷不敢生惆悵  
故把閑情強自寬

轉斗灣度歲

轉斗灣中度歲朝  
樊城方到慶元宵  
時逢佳節人皆賞  
道遇良辰我寂聊  
旅館無言情默默  
孤燈獨對影蕭蕭  
回憶滇南成底事  
梅花一念一魂銷

過張桓侯廟口占一絕

義膽忠懷志未甘  
松楸林下壯心寒  
千古英雄空復爾  
虛留廟貌與人看

戊申年出京去閩  
回憶竹軒相依二十餘年  
陰悴相離不禁泪下車中口占

相依多年不忍分  
感君憐我我知君  
不是昧心貪利澤  
難將細事訴知聞  
匆匆就道已如癡  
衰老依人愧自知  
萬種離情無處訴  
壯望京華有所思

常論詩文受教深雖然小別已沾襟料得團團燈下  
話必然還念老年人  
征衣件件有啼痕難捨居停廿載恩此去閩南身健  
在必來還依舊朱門

賀胡大人壽二律

仙衣一品骨珊珊手註詳刑四十年報國劬惟  
天子識愛才心較昔人堅綸扉退食芸編啟郎省抽  
毫錦句傳誰識黑頭公輔日膝前金帶已腰懸

馳贈曾聞報嫂章五叔東泉吳時輩思為嫂氏甘淑  
人請馳贈詔至今海內傳頌以為  
 盛世家清德孰能望叔祖以講易受知經筵  
曾給筆扎繪圖以進  
 子門原古名嗣經儒席倍香詠絮我慙班謝韞齊年  
 人共鮑劉綱御雲此日輝南極料得蒼生祝更長

過仙霞嶺口占

峭壁崎峯接碧天青松翠竹映寒烟仙霞嶺上休回  
 首一望京華一潛然

題贈公夫人小軒

繡幕低垂午漏長  
瑤花竒草滿庭芳  
綠窻幽雅神仙  
府寶鼎常熏龍腦香

金屋銀屏事事妍  
珊瑚架筆水晶盤  
竒珍異寶無心  
賞惟把詩書仔細看

才德相傳名不虛  
持家經濟費躊躇  
試看多少名閨  
範賢淑由來總不如

儒家仍是舊規模  
拘謹為人意味舒  
富貴禮文行處  
好多因曾讀古人書

讀張雪濤先生之萬集

之萬新詩迥不羣  
飄香滿紙氣氤氳  
挑燈細讀神清爽  
照目霞光映錦文

歷覽名山多興會  
詩草成堆手自刪  
高超大雅誰能似  
想見當年李義山

佳句清心玉不如  
劃然老眼去模糊  
集中多有驚人句  
筆下頻傾萬斛珠

咏張先生畫夾竹桃二絕

幽人愛寫武陵真韻致清高筆有神惟恐紅顏留不  
住綠筠相伴一枝春  
媚態丰姿暎翠叢數枝嬌艷小庭中清芬自有凌雲  
節帶雨和烟綠襯紅

接家書誌喜


每憶京華意暗酸佳音遠寄鄙懷寬  
天顏常詔重重喜旅邸相聞日日歡北望燕臺勞夢  
想南居瘴海賴粗安高情贈我金如意白髮而今又



戴冠

贈洪石農先生

長安未識摘仙人  
幸遇炎方作比鄰  
吟成麗句驚星斗  
賦就文章泣鬼神  
他日玉堂金馬客  
今朝制府上公賓  
高懷雅度誰能似  
到處逢迎自有春



詩餘

臨江仙

秋夜

蕭颯西風寒透戶病軀又遇清秋孤燈一綫思悠悠  
夢中人未見窓外月如鉤往日淒涼惟自惜那堪  
更有新愁天涯從此去飄流我比黃花瘦黃花對我  
羞

哀江頭

珠江放棹

數年來青山如舊懷人處淚盈羅袖明星皎皎江水  
悠悠白雲深處紅霞透空說那大通烟景難解我  
雙眉顰皺思也愁想也愁黃昏無語坐孤舟

又

愁來不辨新和舊但觸處淚漬衫袖江天一望明鏡  
悠悠依稀照得人心透猛回頭義海息山空博筆  
團紙皺迸新愁間舊愁一齊都在木蘭舟

終天怨

自感

夏雨漣漣掩紗窓只愛眠為的是舊愁新恨壓倒春  
山鎮日裡病懨懨心事熬煎拋殘針線案頭上亂  
積些斷簡殘篇強把那筆墨消閒評今弔古也徒然  
人稱羨閨閣香奩我命猶艱也曾塗鴉三百餘篇但  
恨那剩語零殘不值錢從今後收什起不思傳羅衣  
寸寸拭痕斑總為那青鸞失翅人皆當作野鷄看可

歎幽蘭深谷竟與草木同  
篤斗室茅簷門雖設而却  
也常闕恨無言有誰憐玉  
碎珠沉已數年空將淚血  
流乾不生不死枉在人間  
恨聲天怨聲天泉臺入世  
何日再團圓

南柯子

西行別諸弟姪免女

匆匆人別去難卜幾時回  
感捲雙眉不得開  
臨行故意徘徊恨人催  
離腸愁欲斷癡念總難灰  
無情潮

送往天涯料到月華圓滿定歸來

又

不惜依依別應愁緩緩回歸期欲約口難開正是銷  
魂時候晚潮催 世事由他變衷腸冷劫灰平蕪迢  
遞接天涯望到天涯盡處夕陽來

夜行船

舟夜對月

明月照行舟旅人分外愁倚篷窗淚滴漬衫袖對清

光顧影成消瘦刮面寒和風水皺病軀自覺難經受  
嘆儂薄命走天涯窮途湊

遠別離

東粵赴西粵留別諸姪女

相見難別甚易多少離情誰共訴無計挽蘭舟只得  
隨潮去 倉卒海珠亭還傍垂楊駐回首望羊城傷  
心處

小冲



北上留別蕙亭姪女

自恨命多蹇，遭逢時事難。  
旅櫬嬌娃，匆匆携帶赴行船。  
篷窗誰共語，羅袂淚頻彈。  
離愁脉脉，江水漫漫，空懷舊愁新恨，兩難言。  
幾回腸斷，問青天。

江天晚霽

南曲

過楊柳村誌感

村落荒居翠柳絲，絲映草蘆荊。  
敝裙布帶，常相聚夫耕。  
婦織子女，永歡娛羨煞他。  
享盡人間團圓趣，說甚麼。

才媛名姝是這等異國飄流  
幾曾見文采風流薰麝  
臨書減盡朱顏翠髮收什玉珮金魚甚時節安閒故  
里望白雲都付與短歎長吁

